



魏塘錢氏家傳上冊



魏塘錢氏家傳




汝寧公傳 兩浙名賢錄




錢貞字子元嘉善人



博學績行以選貢入太學嘉靖丁酉順



徐象梅



天鄉薦授福溪縣令操守竣練愛民好士陞汝寧府同知悉心佐政保民如赤子代去百姓攀轅不忍捨夾轂焚香送數十里而後返以入覲卒于京邸汝人為之巷哭所著有實政錄

李孺人汝寧公元配也性剛明有志節母家故素封汝寧公為孝
 廉時攻苦食貧孺人安之未嘗齒及假貸李翁媪時遣女奴問訊
 有無輒云幸有儲粟其卓然堅定如此姑呂孺人病疾醫藥罔效
 孺人且呼且哭以口吸其疾即甦庚子冬汝寧公上公車孺人寢
 疾將殆猶從枕中出餅金助行生正德丙寅九月初二卒嘉靖庚
 子十二月十六日存年三十有五生子一即贈宗伯心亭公有趙姬者孺人媵
 婢也心亭公既幼失怙伶仃孤苦一襖經年不易嘗翻着之趙姬
 恩勤閔育以至成立姬性方嚴心亭公呼之為嫂曰我思母不見
 見姬猶母也家人子婦俱稱阿姆奉為典型心亭公歿姬慟哭幾

絕未幾卒崇禎己卯余同年江夏賀宮保為心亭公撰碑銘姬忽見夢乞綴一二語賀公覺而異之語具碑銘左蓋其精靈不磨欲附偉人以不朽如此

先母曹孺人行實

於乎痛哉不孝孤之不復有母也追惟吾父棄世已三十年而吾母經營拮据燕翼孤兄弟以貽厥諸孫者猶之乎吾父也不孝卽不獲事吾父幸且夕選甘脆以將母歲時上壽率子姓環列拜跪以爲常猶之乎事吾父也乃今不復有母矣吾父生平賴長者一言以不朽顧吾母闡行婦德有

行實
光彤管非不孝孤偕冢孫輩略紀淑懿以
乞

立言大君子錫之華衮其何以報地下謹揮
淚詮次遺事百叩以干

典記曹爲邑著姓世居陶莊至中翰介軒
公以豪俠重薦紳間生清河簿柳溪公柳
溪公配曰張孺人爲華亭給諫龍山公女
生吾母吾母生長素封又習見母家累葉

簪紱張孺人通古今時時爲吾母誦說其
父祖詩文以相娛樂女紅纂組以逮家人
生計意弗屑也年十八歸吾父時大父汝
寧公爲孝廉門風儒素宗黨間咸以家世
難吾母母晨朝姑章儀軌詳整以次委蛇
起居諸姑人人意得賀得婦賢裝送紈綺
悉屏不御曰此非儒家婦飾也更布衣操
作而前始學績不習而嫻杼聲軋軋丙夜

不休汝寧公自喜過望謂吾父曰不意汝婦乃能爲孟光是時王母李孺人早世繼爲吳孺人齒略相埒母莊事吳無間言已而汝寧公宦游吾父代家秉會大父簡齋公性嚴卞不樂迎養顧獨安吾母曰新婦婉嫗善事我解嚴而慈及汝寧公以艱歸析箸三之父所受產僅僅中人遂投筆治生精心計倪之筴吾母悉出裝資佐之外

政權子母內政治絲枲作苦茹淡累織積微乃始以生聚之餘庀材堂構以分授孤兄弟吾父精幹自天授要以吾母助勩之力居多吾父棄世吾母痛不欲生已謂孤兄弟曰吾性不喜逸而輩卽數擊鮮奉我神弗王也於是董臧獲課耕織一如秉家政時每至夜分矻矻不告欲伯兄及孤時緩頰微解之母徐遣曰吾非不知止顧欲

爲而子若婦作法度無滯心舍力以隳先
業耳諸孫婦每晨朝輒好言慰勞稱說起
家艱難以相勗歲時孤兄弟置鮮衣以進
爲解頤一御輒笥而藏之常服補綻累累
至有鶉結者每指以示諸孫婦曰此吾嫁
時衣也吾不衣此汝何由得見古物卵翼
諸孫矜全弱植以勸能者未嘗苛禮繩督
而大體稜稜相戒無犯遇僕妾詞色响响

知人善任咸樂爲用一婢失火居積幾盡
或謂罪不貫吾母曰若悞耳奈何罪之以
重吾譴其天性博大厚德載物類如此吾
母素健噉年七十步履如少年戊申罹伯
兄之痛神情慘瘁不孝時佐江寧急欲投
牒而會有參軍之除遂乞假歸省每侍食
見吾母健噉如初輒喜滿大宅以爲斯頤
可致吾母亦融融焉洩洩焉而忘伯兄供

養之日短也至冬忽中風邪延醫調藥業
效矣而復病病遂不起嗚呼痛哉逝之前
一日謂孤曰昨夢汝父折簡召我意色甚
遽我兩人其重爲夜臺之合乎一切筐篋
置不復問子姓環繞無兒女繫戀態第謂
孤曰而父力營祖隴因窆其傍每欲置餘
畝以贍修緝而齋志未竟今割我所置田
什之一爲墓田兩家各以長世守之以成

先志命畢整襟端坐忽玉液從鼻孔湧注
如柱脩然而逝越三日就殮肢體柔和膚
理香潔儼如生時此又何修而得此也異
哉痛哉先是狀吾父者家寧州公謂吾父
宦家子而基業手闢寸土尺椽不仗先人
所貽早業儒弄柔翰乃心計強敏如宿諳
者自奉節嗇顧重然諾好振人之急三族
窮交待以舉火此所爲不可及也乃吾母

行實 五
大節矚然可數者家勢豐豪裝遣甚盛而能屏卻純綺綦縞自甘則其志則少君也孤兄弟頗能自立諸孫亦漸鵲起而雞鳴之戒葛覃之風老而彌篤則其勤則文伯母也閭以內絕不聞嗃嗃聲而動有法矩子姓不檢輒切責肉袒謝罪不貲則其教則楊媛秦媵也乃若大心容物平等待人死生之際超然解脫卽丈夫難之矣蓋吾

父忼慨負才規摹宏遠而母以坤德承之體順而用健貌溫而中理以啓佑我後人懿德淳備終始一致可不謂女宗母師哉卒於萬曆壬子十二月二十四日距其生嘉靖己丑二月二十八日享年八十有四今以萬曆癸丑年十二月十三日合葬於嘉興胥山四都兩字圩子二長繼科娶長汀丞陸鳳池公女次繼美娶憲副盛南橋

公女孫男六科出二士升娶順昌知縣孫
公朝宗女士晉娶吏部員外沈公道原女
繼娶貢士張公應期女美出四士震娶陸
文學堯勳女士鼎娶李文學時芳女繼娶
許太學錫璜女士濟娶吳典儀道東女士
觀娶孫理問朝窠女女孫二科出一適王
侍御慎德子兆胤美出一適盛刺史治徵
子國光曾孫八震出一集升出一梓俱幼

未聘晉出三梅聘徐文學霖徵女棗聘顧
太學堯京女柟聘毛進士尚忠女濟出三
棗棠彙幼未聘曾女孫四升出二一字葉
給諫繼美子培志一字沈吏部孚先子湘
蘅鼎出一字彭文學季真子嗣學晉出一
字顧文學朝衡子從熹伏惟
仁人長者哀而賜之一言俾有聞於彤史地
下地上俱幸甚

行實
不孝孤繼美承重孫士升泣血謹述

寧州公傳

從孫士升

吾錢氏世隱于醫至余曾祖汝寧公始葦路藍縷以
啟山林而從祖寧州公繼之文彩蔚茂以一孝廉為
海內宗匠數十年嗣是子姓彬々升兄弟與憲副君
同時鵲起式廟前緒錢氏人文赫然稱冠冕矣夫岷
嶓發源濫觴耳別為沱流為漢迤為滙而後乃滔々
焉為南國之紀寧州公之開我錢氏亦猶是矣公已
受伯子憲副封傳不稱封公以公之有以自見也謂
之公志公諱吾德字湛如號明吾祖簡齋公生丈夫

子四長即余曾祖汝寧公最少為後峯公公父也後
峯公為諸生早世公時方八歲簡齋公憐之挈而就
養於官舍時公已蘄：頭角汝寧公識其非凡兒矣
嘉靖庚申補博士弟子公天資高邁不屑為學究語
且有羸疾默而好深湛之思常刺取百題粘坐側面
壁靜觀以次汰去里中老生挪揄之公笑曰我如寒
汀間鷺兀立水際魚過即下喙耳豈學若曹枉却心
力耶其冥心解會高自標置如此揣摩成登隆慶庚
午鄉榜同舉者為馮具區袁了凡兩先生三人相得

歡甚氣意頡頏有高視一世之志益厭薄俗學取左
國史漢管韓莊列諸書沉酣而漁獵之為文嘔心去
陳極意摹古而尤專精尚書家言高文典冊近代名
家不及也公名日重四方問業者日衆茅鹿門先生
延公至家一時名士以牛耳奉公而公所品題別有
精鑒一遇賞激即不鳴不躍無弗立驗以是後進益
心傾公冀得片言許可甚于唐舉之相季主之下公
亦自矜重不妄然諾凡所丹鉛人購得之互相摹倣
不啻中郎之異書淮南之鴻寶也每上公車都人士

噴：思一當錢先生戶屨為滿而數竒屢躓乙未春
大宗伯林公兼宇分考得公卷擊節歎賞擬置前茅
將上主者而適為別房所抑及拆卷知失一宿名士
大悔恨公不得已就教歸安則昔年函大地也揚扃
風雅品隲驪黃一如授經時而會學使者以諸生門
地雜蹂下檄清汰引繩披根者如沛公憐才隱惡寢
不奉行或以蜚語中公賴於紳訟言乃解而公邑：
不自得仰天嘆曰吾束髮受書晦明風雨未嘗不幾
幾有合也贈登公車金盡貂敝而乙未之後得而復

失豈非天哉吾能復與造物爭乎戊戌陞遷安令旋
丁繼母曹孺人憂服闋補泰寧：閩僻邑二百年來
未有登鄉薦者子衿蕭不復振公為葺宮牆改形勢
集諸生程試之厚加稟餼示以司南邑士蒸：思奮
是秋捷二人已皆成進士杉陽甲第自此始俗健鬪
啖腐腸草輒死因挾以破碎其家公持以情法訟者
氣沮又令胥靡探惡草芟除之而貫其杖繇是草無
遺種民賴以全大族充後率用祖名逋賦輒不可問
公挾產分戶著為令賠累頓甦其他治行仁心為質

期於矜全掩覆文無害而已以故所居民富所去民
思至今尸祝之丁未擢知寧州寧土瘠民刁衙蠹以
公帑為窟穴前後守俱以不稱職去公廉主名重創
之逋賦以清又洗雪重辟李顯道等七人之寃捐俸
修濂溪先生祠宇條水之南值歲饑出粟煮糜躬親
其事所全活甚衆庚戌上計畢具疏乞休藩臬大吏
力挽公而公竟已決竟致歸之日垂橐登門省視
三徑有隙地畝許築室三楹榜曰知止懸車埽軌絕
迹公廬邑大夫嚴事公干旄及門不得已出見否則

不通一刺也時伯子憲副君方舞象夙慧絕人公謂
不當以時師常法束之恣其遊戲笑語所親此兒神
悟非常如籟雲之足絕塵而奔寧須鞭影哉及憲副
君弱冠一試而捷秋闈再試而捷春榜三試而臚傳
聞報之夕公戒廬兒埽除以待既而嘆曰我耕之炊
之數十年而孺子食之耶識者謂天道張弓屈信如
是而預決先徵若操左契公之識力亦神奇矣憲副
君自比部出守饒以良二千石晉今秩兩奉恩綸封
公如其官鄉黨詫為榮遇公差與俗伍非歲時伏臘

四品服經年塵封不御也嗟乎志士負竒老而翫
如此公既受伯子封叔季復亭、玉立家庭師友門
無雜賓有談及美好田宅者急誦山谷老人青山白
雲江湖湛然之句以當洗耳性不喜聞人過嘗謂子
弟曰凡人聞惡輒信聞善輒疑此即作惡之根非意
相干夷然不較僕從逋逃不復追詰逸久來歸待之
如初家法清素無異寒生不御重肉不學時妝族人
貧不能婚塋者捐金為倡有三節婦歲時餽遺之且
請於當道旌以棹楔敦睦中更尚風節以是族人畏
而懷之而友愛庶弟吾業尤至同居數十年推食而
食易衣而衣及公宦游有負郭數十畝盡以歲入與
弟更不復問晚年為弟買田舍營菟裘撫諸姪如已
子此其孝友篤摯即肱之被真之荆還古之封鑰償
博曷加焉公長身竦節卓、鷄羣澹於嗜欲獨居屏
處晚年病目兀坐大室間凭小奚一窺戶外聽黃鸝
聲年踰八袞耄耄可期忽病風痰竟至不起卒之日
宗黨閭里無不涕洟傷悼者善夫憲副君之述公也
曰見公應酬厝置常留尋尺之寬則自愧其無餘地

見公慈心接物于人逸勞餒飽憂愉疴癢之私口所
難言者無不由體委遂則自愧其無微心見公于人
世進退行藏辭受語默之際無不先幾畫地周身立
防則自愧其無完識評面之加捍胸之忿倒行逆施
之報公無不蕩以和風濡之零露則自愧其無恬衷
可得公神理矣升為童子時辟呬受教已知操觚被
公齒牙餘論最久且升通籍以來強半休沐周旋杖
履所稱皆長者之言每念及吾祖心享公貽謀創業
事、可法未嘗不低回歎息也竊綜公生平論之早

歲孤貧有梁鴻之志操壯年摩厲有董生之精專及
夫閱歷久困衡深雄心浮氣磨操欲盡而穆然悟涉
世居身之術于霜降水落之餘故聽其言煖于布帛
飲其德醇於醞醕允憲副君所述公者大抵皆得老
氏之精而用之而四十年調御降伏之力正復不淺
也嗟乎典刑不作風軌猶存余為詮次遺行藏之宗
祏俾後之子姓知錢氏人文厥有原本亦先河後海
之義云爾

四世小傳

立吾公勤學嗜古年七十九而志不衰時論方之漢陰丈人手抄
諸子百家書積案盈箱莫稽其數布政吳韞翁折節禮賢邀公課
其兒韞翁稱公端良有文相得甚殷焉太史馮開之謂公薦寔坦
夷於時流中足稱古人府庠范學師訝公雅嗜古學而未收寸效
寒糴攻苦何至今蕭索也明吾公曰吾家兄弟數奇不封侯大類
李將軍概如此公不治家人生業有子五授一被囑共之曰汝曹
知吾兄弟否公諱吾業後峯次子府庠生

爾凝公年十三贖吳氏吳改姓為錢吳後得嗣公悉以其家產付
之曰姓不可改也復姓吳公于儒業最深凡古今名文書集手批

殆徧能析靈樞素問之義于醫甚得原委知藥之有益必有損也
故雖察其寒溫平熱之性而終其生不用也曰莫若醫未病不得
已則針^灸之然亦不欲名于世乃鄉居植花果竹木栽種之術甚
奇花果竹木各異絕去山陵範圍之概而遊人繹絡相往焉凡魚
月一^二一朝其所居自洪菴盤旋而進長竟里許投之以餅餌肆鬻
鼓沫者竟晝而散四面有荷兩岸皆桃柳春夏游觀尤盛梅園映
雪高人無不至者與爾先昆季堂兄弟也而情分如胞與抑之昆
季從堂叔姪也而相好若嫡所以避遠鄉居以示淡使子姪安分
守業以謝望族之見云尔公年八十六卒于桐廬署
公諱繼禧立
吾第三子歲貢任桐廬教授

禹思公柔慈退讓而端方不苟者也娶呂氏命予公女也始婚父
即命之曰親家翁儒業名盛抑之得第而歸尋社會文呂親家與
焉方作破承而抑之日之理明清駛即避席曰非敢為友也即以
師表奉之汝宜随侍妻父子業庶有濟乎遂寄居外氏讀書命予
公寒儒也子孫日繁盛而相從者日益進聽之者頗有環聚之盛
供之者竟乏萬鍾之養公不自能久安仍遷于梅花里得平屋數
十間乃九房舍甫之居也舍甫有女而無子得價陰與其壻氏乃
姪宜中應繼也謂公曰况得居第乃空作承桃子矣公即重其價
與之與之共有二百五十兩既而柯氏入工科欲廓其居欲以白金
三百易公居公曰貪多五十兩舍甫九泉知我浮價矣且何事竟

席不暇煖耶柯氏曰公即未入泮請以入泮為增益何如公曰吾兒不能文未可以進學也吾兒既能文不進學何傷乎僉曰異哉與子叔疑相反者也其僕姓張遷居于北首無如有廳堂而無門徑願以五十兩得一弓之地為門徑公曰有其主必有其僕吾地視為過關納稅紙必截角耶竟不售所謂端方不苟者往如此康熙乙卯年遭桐廬公之變故竭廢債工扶櫬歸鄉間房屋仍封鎖內中什物胥空矣僉曰寃之公曰必非外人何寃為竟無所分析公兄弟五人皆各母三五早世二弟文思貧四弟九思得魚利起家僉議桐廬公安葬之事長四兩房任之九思謂何獨苦吾兩人也不敢與聞公即獨任之捐田為祭田捐蕩為祭蕩以童初

堂為桐廬公祠堂其田有文思契賣于九思者九思指之公捐租粗以贖之刊祭田規略一冊以垂示後人五弟婦曰吾有三孤兒年紀小未得生業今使務農伯氏置公田可使吾兒耕公即與之耕冬無租粒致謝曰其粒止可償工本莫來歲或有年叨伯氏之惠矣來歲又無租公弗責也其柔慈退讓性。又如此輪祭方三禩公年七十二辭世其祭田蕩各私賣祠堂房屋私拆賣其基或租或典或賣與人人葬尸骨昔之果木卉草悉為烏有先是後園中有香椽植之數十年枝葉甚茂未試花果忽有椽在茂葉中被金風吹落大如斗爾凝公謂碩果僅存今已落數年之後此地將為墟矣果然

公諱士極爾凝長子庠生

芳碩公自幼能作鍾王大小書性嗜古經史頗得其精奧為舉業
竟未得著書遺後焉凡晉魏諸書家以及唐之歐陽虞褚薛顏柳
宋之蘇黃米蔡無不挾其用意之所在嘗謂書法由于人品學問
人品高學問未到非佳也學問大人品不足終不能成書家也人
品學問兩者兼之則雖曰未學我必謂之學矣其論如此是以專
力攻乎書卷而臨摹無暇也至今親友無不傷其早世云 公諱廷
枚禹思子年三十一

硯
贈
中

亦
亦
山

東 又 政

司 司 司

政 中 所

錢 百 監

秀 配 陸

青 澌 乃

合 蕪 蕪

生 錫

誥贈中大夫山東布政司右叅政忠所錢公暨
元配陸太淑人墓志銘

神皇癸丑丙辰兩科賜進士得人甚盛武塘錢
右伯康侯登癸丑進士第宮允抑之登丙
辰進士及第第一兩君者兄弟也同乳負
盛名而抑之爲兄父曰贈叅政忠所公先
卒二子並上公車母曰陸太淑人及見子
之登第受封受祿養者十五年可謂盛矣

二子猶然悲父之早世又悼母之不百歲也手事畧乞狀於陳宮詹丐余勒銘狀已詳整度無可加妄爲摘而書之贈公諱繼科字進甫別號忠所江南之錢大約多表忠之裔元至正間修職郎國馮自臨安領嘉興侯因家焉尋析爲嘉善人四傳爲邑廩生世華其子萼兼通醫輯醫海二百卷萼生昞昞生貞是曰栢峯公嘉靖丁酉舉

人仕閩尤溪令有善政歷楊州汝寧二守栢峯生心亭公吾仁入太學贈叅政娶曹贈淑人生二子長卽公幼有至性聰穎好學補諸生有聲事父母善伺顏色無幾微忤心亭構西第甚壯探策當屬公竟以讓弟曰兒安舊居足矣議出橐金佐費亦置不言友愛其弟繼美老而彌篤心亭病迎醫千里外侍左右不少離者期年旣歿哀

毀疆起泣曰母尚在俛俛欲何之間寢候
聲加虔曹淑人每每慰遣之既久困塲屋
二子繼起競爽喜曰事有托矣遂絕應舉
日加督課延名師儒爲侶且令負笈自遠
問道時時以忠孝廉節相勸勉性樂易寬
大無競於世耻言人過尤慎取予嚴義利
祖姑適朱老而無子以比隣之產來畀堅
勿受凡與人交關令滿意去未嘗乘急減

直尤好施族屬不能舉火者陰以薪米周
之寒無續者病無醫者歿無槨者率取給
焉故人子史某以貧鬻身贖歸友人任某
一門病疫身自省視歿又經紀其喪一僕
乘火胠篋因而娶婦園丁私鬻瓜事發皆
當治曰婦彼所急也而瓜我所餘也醢之
深味處後守雌之旨勅斷家事因宅隅隙
地構數楹梧竹蕭然歲藝菊甚盛顏其堂

曰清鑒取古格言警語粘其壁更號閒樓
居士名益重縣令謝鳳臯鄉飲勸駕嚴以
更老之禮人皆高之蓋先後四十年間雍
容享成家亦日裕則公操持得大體而太
淑人內則之助尤重太淑人姓陸父正心
長汀丞母顧皆邑中冠族歸贈公年才十
五有神采見者異之曰雖少齡必能克家
入門主饋其孝養尊章蒸嘗宗祏與凡吉

凶諸典禮贈公意所向必先必加恣食指
衆應接紛拏各得其分恢恢有餘析產後
姑居別宅相去百武晨夕問候趾相錯常
患危疾姑從夢中驚泣曰天乎老人以賢
婦爲命幸天活我遂得瘥姑年八十餘事
之恪共如一日病而撫摩卒而哀慟婦代
子職咸嘖嘖嘆服焉姒盛氏初來歸裝奩
甚盛衆爲目炫處之恬如然內政非所長

失大家權輒掖助之無間言待二子嚴出入言動皆有規繩稍不如意輒加呵責二子畏母甚于父文社之會贈公拈題太淑人治漿脯潔茗果竣事無倦其待賢師傅不難擊鮮張具餉二子不過一肉肉不過數嚮衣表紈裏泉一日請易大怒曰兒方書生敢爾外家中落不以一錢私獨爲長汀公置墓田垂可久二子先後成進士烜赫靜鎮了無喜色親黨有揚詡者輒加裁抑杜門約舍人兒勿得闌出入次子刑部主事欽恤諄諄以寧失出爲諭比守郡及餉津關數貽書在弁容獄市衷情法爲主長子及第假歸戒以受

國厚恩無久戀子舍趣入預修

神皇實錄再假歸先後皆以念母皆未浹歲特予亦異數也而津關有封疆之傲太淑人

頗以爲憂乙丑忤權奸爲所羅織滋益憂
尋事解得歸母子兄弟懽然相守福正未
艾而太淑人故習勤晚年課畊織不少休
夙興夜漏下二鼓猶秉燭事事檢閱方寢
或諷之笑不應亡何病竟不起贈公生嘉
靖戊申歿萬曆戊申年六十一先授鴻臚
序班贈刑部主事再贈大名知府三贈右
叅政淑人生嘉靖辛亥歿天啓乙丑年七

十五封太安人再封太恭人三封太淑人
子二長士升字抑之丙辰進士第一人翰
林院修撰陞左春坊右中允次士晉字康
侯癸丑進士歷官河南右布政士升娶孫
氏封孺人順昌令孫賓江女士晉娶沈氏
贈淑人吏部員外沈淮槎女繼張氏封淑
人貢生張三級女女二一早天一適御史
王遂初長子兆胤孫男五士升出者二格

庠生娶南兵部郎中吳遽庵女棟聘孝廉
陳發交女士晉出者三梅太學生娶太學
徐伯潤女棻庠生娶太學顧見陶女樵庠
生聘僉憲毛承庵女孫女三士升出者二
一適給事中葉鹿吳季子培志一適吏部
郎中沈冰壺嗣子世洎士晉出者一字孝
廉顧仲執子榮嗣曾孫詳狀中說者謂贈
公長身玉立豐下宜壽有德量無機心多

行善事宜壽太淑人慈和逾七十精神密
匝聰明峻整宜上壽而一止周甲一望八
不能待是真有未愜者然贈公年五十五
病幾殆見有大神光雙黃傘籠罩其上得
甦太淑人病革聽念佛號催念觀音號脩
然而逝體氣香潔柔和如生豈非有自來
有自往不可以尋常歲月論者與丁卯十
二月廿七日啓贈公之窆奉太淑人合塋

以志見屬余副南雍抑之以選貢至有文
字交比起纂修會康侯於濟上談邊事感
慨因之過從款洽乃不辭而爲之銘

銘曰玉不必獻也闇然而藏璧必有合也
淵然而光外和內治也其家乃昌父積子
發也其慶始長繫母氏之嚴訓也凜凜自
強喜祿養之已逮也陶陶相將惟子心之
罔極也雖百壽能無傷其終不朽也匪以

石匪以銘在子之事業與佳哉雲樹之蒼
蒼

賜進士第光祿大夫柱國少師兼太子太師吏
部尚書建極殿大學士知

制誥

經筵

日講總裁

兩朝實錄通家眷侍生朱國禎頓首拜撰

賜進士第光祿大夫柱國太子太保工部尚書
前都察院右都御史侍

經筵官眷侍生姚思仁頓首拜篆蓋

賜進士第正議大夫資治尹南京兵部左侍郎
前奉

勅提督操江兼管巡江南京都察院右僉都御
史應天府府尹太僕光祿兩寺少卿南京
吏部考功清吏司郎中眷侍生徐必達頓

首拜書丹

